



梅溪先生文集卷第八

詩

左原紀異

樂清之東地名左原中有古井深數丈時冬旱水枯
泉僅盈掬有女子數人提甕而汲綆絕甕墮俄有男
子銳然解衣入井取之既而石陷声震山谷井深而
石重咸謂壓者必齏粉矣越三日事聞于邑尉周公
以職事來環井而視惻然嗟悼命役夫具畚鍤抉石
取骸將以葬焉自旦逮午猶未及尸俄而役者驚相
告曰井底有聲其鬼物乎公曰此陷者不死須吾以
生於是捐已資募能出之者衆力争奮頭顱稍露而

語可辨矣土石撼動勢將復壓救者驚潰公乃整衣
焚香叩井而拜命工植板以捍石危而不墮益以絳
錢啗役夫俾踏死以救公未飯吏以進卻之曰必活
人而後食日沒井昏繼之以燭用長綆繫余挽而出
而觀者數百人謹呼震動嗟異其事且以手加額曰
公真仁人也能活人如此某家左原去井所為近獲
終日從公于井旁目擊其事作詩一篇以紀之時紹
興乙亥仲冬四日也公名邵字嘉成婺州永康人
君不見溫公年方髫髻時奮然擊甕活小兒至今遺事
在圖畫活人手段良可竒又不見耿恭昔年困疏勒孤
城鑿井踰千尺整衣一拜精誠通俄頃枯泉飛為液樂

清有地名左原地幽井古知幾年一朝陷溺誰氏子萬
石壓腦沉黃泉路隔幽冥生望絕三宿沉魂豈能活鬼
神莫救功莫施天遣仁人為之出彩棒來臨驅五丁抉
石求免俄有聲頭顱半露語未辯人疑鬼物相視驚拯
溺辛勤功未果土地石歌紛欲墮爭言陷者不復生救
者徒遭類壓禍梅仙惻然臨井旁焚香再拜祈彼蒼散
金募衆蹈死救手植板榦加隄防土石相銜危不倒壅
粉餘生僅能保須臾奪命鬼窟中萬口謹呼喜填道翕
然輿論咸竒公異事行將達帝聰感物誠居耿恭上活
人手與溫公同况公才學俱超絕吏隱那能久淹屈使
君前日飛鸞草莅事詳明已廉潔鯁生棄梓居此間具

書目見非妄傳太史採詩儻見取願付銀筆書青編將
見大書特書屢書不止此史筆芬香此其始

法燈俊上人惠杜鵑花

杜鵑嘉樹狀非常久向緇林壓衆芳春去尚疑啼蜀魄
客來還錯認丁香此與諸公同游法燈有高人好事栽
蓮社野叟移根植草堂習氣未除端自笑賞花銜惠意

難忘

法燈聞上人和杜鵑詩酬以前韻

道眼相看頗異常遙：蓮社有遺芳兩篇詩好無蔬氣
四季花然帶佛香杖錫何時離竹徑尋山莫惜訪槐堂
小園花疏煩題注詩往花來未可忘

孫先覺母夫人正月四日生時年八十 丙子

冀開四莢瑞新春瓦弄幽閨應此辰蛇虺夢中祥女子
鳳凰占裏吉佳人平生不負三從義老去兼全五福身
他日奇兒亦黃髮捧觴猶得壽慈親

明慶懺院上方地爽而幽蓋精籃之勝也予因

會友託迹於其間一日探囊中得石刻詩一本

乃王瞻叔國博先生題台人秀野堂也摹無景
物頗類於此因置之壁間意有感觸遂借其韻

二月五日

下惟精舍遠塵繁境靜心清事不閑案上忘機有黃卷
眼中得趣是青山林泉欲共高僧老事業未容吾輩閑

準擬他年掛冠後飄然杖履白雲間
偶向緇林植子芳光風入院泛幽香
他時倘免芟鋤患餘馥猶堪供道場
不放凡花染道場故栽芳友伴友郎
一盤喜遇高人賞却勝家園十八香

次濟上人韻

老來未厭短檠光又集青衿就故鄉
却荷道人能具眼不同時輩有他腸
心傳潛澗源流別首出新詩意味長
我亦筆頭為佛事未應中國異西方

元鳥至

此虫方啓戶元鳥亦知辰去自盲風候
來逢化日春深條炯雨濕廣厦羽毛新
故壘尋遺迹雕梁拂舊塵早鶯宜結友
秋雁不同賓嘉尔能知義無忘舊主人

陳希仲贈山茶

都勝名花入小園群芳無復敢爭妍
童童翠蓋歲春色艷艷繁燈照雪天
青蘂似開吾輩眼高標不染俗流錢
此花端有歲寒意好賦甘棠蔽芾篇

醪醑次賈元節韻

春山杜宇喚人歸婦見醪醑滿架垂
葉底半開千顆白鬢邊斜插一枝奇
園林綠樹成陰後亭院青春發老時
把酒對花歌數闋濡毫更和康岩詩

覓海松贈僧希月

海石真宜植海松青青不改四時容道人妙得裁落刀
乞與書齋待化龍

浴佛無雨

俗言浴佛天必雨今年浴佛天愈晴拈提鐘磬集禿侶
世尊塵埃思一清絲然膜拜口誦偈舉頭看天紅日明
或云天意與佛拗佛打者天不放雨師龍伯行天雖
不雨佛亦浴誤此億萬蒼生情廟堂何人職調燮勸天
與佛無使爭沛然一雨四方足億萬蒼生俱沐浴

喜雨用前韻

去年春夏人苦雨今年春夏人厭晴水枯秧老農務急

霈然膏澤來太清小民易怨亦易喜不知天意常分明
何須頻禱應上公但起夏禹陳五行五風十雨堯舜世
自古天意緣人情今茲一雨荷帝力龍神社鬼無妄事
南畝有餘人意足蠶已三眠更三浴

雨止復用前韻

水枯秧老農欲雨麥黃桑綠蠶欲晴一朝大霈滿四澤
雲收霧掃天還清日暘日雨豈人力聖德仰荷吾君明
廟堂况無癡宰相不怕泥濘妨牛行布教催耕衆知務
鳴鳩呼婦殊有情平原出水雲吐日陰陽得所無戲爭
明日陽光照臨足今日陽烏已先浴
孟夏十有一日時雨初霽長登高閣極目四望

烟銷日出氣象一新復用前韻

蝶夢驚回聽殘雨鳥聲喚起欣初晴梵宮烟火帶餘暉
審舍几席生微清披衣登閣忽四顧頓覺遠目增雙明
樵漁款乃霧中出舟楫蕩漾田間行清和御物消羸界
柳垂暗綠花含情窓明几淨日漸永天開地際陰不寧
俯視滄浪堪濯足遙看扶桑觀日浴

再用前韻勉諸友

蠶婦欲晴農欲雨書生事業無雨晴况茲長日足可惜
薰風入戶精神清虛窓文字遮眼暗短檠燈火通宵明
紙為良田力耕獲一壘稼穡嗤許行太山北斗仰韓子
千態萬狀窮周情群居涵養務渾厚藩籬創破銷紛爭

拭目天衢驥足下視汗池雀兒浴

頽師贈樵栽

自從兒時食火樵思欲移根向鄉里年來花木浪經心
品色徒多真戲耳道人贈我方外根不比尋常桃與李
枝柯宛類秦大夫功效端如使君子殷勤栽植同因果
衆目紛紛等奴婢他年摘實薦新時杖屨相從蓮社裏
月上人以拳石植海松蒔菖陽於四際蒼姿秀
色鍾清氣于几案間以為梅溪之野人贈蕪憲
詩章因與酬唱九四首

蒼蒼千尺大夫松不似湖嵌植小龍枕水一拳形翠峯
凌雲三幹色危茸玉衡星化姿蕪茂蓮社詩高席可重

乞與書窓端不惡蕭然如對德人容
處士何須種七松賸栽海上綠髯龍
靈根頻灌蒼如王
黛色初抽軟似茸煎水小山形鑿
道人今得歲寒種一洗梅溪憔悴容
禪杖西游觀萬松歸栽九節伴蒼龍
何須偃蓋歲龜甲
自可延年勝鹿茸
貧老房幽看更好書
公詩險和難重
為師旦旦加澆濯不遣塵埃上綠容
澗毛纖細蔭青松會見成仙與化龍
孤嶼兩峯多臭味
海嶼多一莖九節異香茸
羨師得句侵澄觀顧我談經
媿叔重明日還家帶滄海園林小小可能容

懺院種紅蕉用寶印叔韻

新植靈根續蕙蘭
緇林佳處占清閑
深紅應費化工染
濃綠疑從帝所頒
正色可曾娛俗眼
晚英猶足慰衰顏
它年解組歸三徑
多種青青滿故山

題佛閣三絕

佛閣闕人久
儒官涉世疎
伽藍真長者
容我半年居
素下不三宿
閣中經半年
青山滿庭戶
雖好莫留連
靈運本狂客
偶來蓮社遊
鐘魚聽已厭
歸去故園休

題郭莊路

南山有井名黃花
我卜別業臨其涯
酌泉漱石思往事
天遺景與名俱嘉
東一竹菊隱君子
悠然凝望南山餘
茲人高躅已千古
三徑蕪沒堪咨嗟
我生本抱丘壑尚

誤涉塵世爭浮蝸十年太學志未遂歸來隴畝躬耒耜
草莊新築亦不惡青山遠近光交加會須移住劬社老
終賦歸去師陶家新京入郊九日近西風漸欲吹烏紗
龍山風俗有故事撩我清興凌烟霽

率飲亭二十絕

吾門非北海安得客滿坐有亭名率飲鄰里日相過
蒼頭稍知耕赤脚頗能釀有田俱種秫我日坐亭上
幽亭闊方丈脩竹種千百有時人不來影月為吾客
富貴有天命安貧士之常聊為真率飲未用利名忙
老去識交情興來懷酒伴山林車馬稀風月壺觴滿
文舉客滿坐淵明酒盈尊雖無古高躅妙意亦常存

文字粗能飲聖賢時復中林間十二子賓主自清風
富飲不鮮文翁意非在酒三盃聊遣興一醉豈緣口
我游醉鄉中常在軟飽後誰脩醉鄉記添我姓名不
吾家數兄弟薄有古人風生計何曾足酒盃無日空

右十絕書于左牆以坐上空常滿尊中酒不

空為韻

我性野而率山林謾求安有酒固可樂無酒亦自寬
亭上可率飲林間宜率吟每於詩酒裏寫我率然心
結交雖不泛絕物亦何曾莫問親疎客過門無不應
交游聚散中身世浮沉裏觀書悟昨非把酒知今是
有酒或無客有客或無酒何時此亭中客酒兩常有

外天注卓華書雲端卓華書觀石室杖屨不可噴玩山
禽知我來好音若相接有禽鳴群芳列春芳
丹青狀尤難丹青狀尤難行色勿勿更約它時看

度謝公嶺

十年九行役屢經此山中靈山不厭觀每媿行匆匆大
士瞻矩羅騷人思謝公一生看不足語如白頭翁
臘日與守約同舍賞梅西湖

西湖處士安在哉湖山如舊梅花開見花如見處士面
神清骨冷無纖埃不將時節較早晚風味自是花中魁
暗香和月入佳句壓盡今古無詩才武林深處景益勝
十里眼界多瓊瑰北枝貪睡南枝醒杖屨得得倦出來
旅中茲游殊不惡况有佳友銜清杯手折林間一枝雪
頭上帶得新春回

同舍再約賞梅用前韻

梅溪野人真野哉老眼長為寒梅開揭來西湖探春色
濡毫一洗凶襟埃却將梅花比和靖花與人物俱奇魁
同行二十五佳客一一盡是離騷才新詩一出花價長
穠桃李奴玫瑰湖山已槁處上骨風月未厭吾儕來
欣聞好事約重賞准擬食玉嘗春盃預辦長葭叔白雪
載取十里清香回

前日探梅李元翁以疾不往和詩有玉華野人
多病惱獨守寒爐煨芋魁句復用前韻約同賞

西湖十里真佳哉，百花未放梅先開。吾儕好事頗成癖，探春不憚衝風埃。李生不出苦病惱，書閱肘後占河魁。膽瓶相對數點雪，錦腸寫出飄然才。人如西湖有涵養，句與和靖爭奇瑰。重尋勝游有新約，湖山準擬詩仙來。寒炉蹲鴟不必煨，為花痛飲拚千盃。願君早晚理杖屨，莫令立馬頭頻回。

送王司業元龜守永嘉

中興天子初龍翔，臨軒策士當維揚。艰难果見異人出，龍虎甲乙俱非常。先生大對過晁董，指切時務言激昂。麟經絕筆二千載，收拾帝上生光芒。自從曲江到今日，勁氣獨得南方強。權門用事手可炙，中帳亦減平生剛。

先生閉門玩文象，斲弄日月潮之陽。帝憂南國命共理，袁連二政俱循良。公道方行正人用，詔起韓愈師虞庠。先生不作進學解，直言慷慨投封章。一麾出守山水群，十行詔墨加恩光。東嘉得賢類京兆，前政有張今有王。前守張子綱張公到官席未煖，猶有遺愛如甘棠。先生况是儒宗師，歛此大惠施一方。入境願問民疾苦，下車宜誅吏奸脏。首延瓊孺坐賢榻，無使楊墨登門牆。河內借恂豈容久，宸衷念賈殊未忘。鯨生摠衣恨太晚，執經未獲時登堂。松心竊喜父母國，聖恩特許來龍龕。黃願同何堅，首率化歸見潁川。鳴鳳凰。

春日游西湖丁丑

山色綠如染湖光青似磨峯高捧日久波闊浸天多瑞
氣浮城闕春光醉綺羅能將比西子妙句有東坡

梅溪先生文集卷第八

梅溪先生文集卷第九

和韓詩

和秋懷十一首

丁卯季冬赴省試臨安至明年莫春側翅東歸既至
會稽復還太學時方首夏草木敷榮良苗懷新游目
原隰與物助欣至閏八月告歸復尋故道雲水已空
園林初落悽然感觸不能自已是月十有七日言息
其廬定省之暇親戚鄉里日相過從有詩酒之樂忽
然無復得失之在懷也清夜兀坐短檠自照誦韓退
之秋懷詩十有一章欣若有晤因追其韻太山此年
我實慕之白雪陽春和以巴詞云

孟夏游會稽禾稼方蕪，南風翼新苗生意殊未已重
來覺非久相去百日耳黃雲萬頃空蘋末涼風起園林
亦搖落觸目成疑似人生過隙駒何足恃胡為朱顏向
迷塗奔走不停軌得失無榮辱歸來實堪喜
草木無利名時來自榮悴人生異草木百念起心地困
窮斯感傷利達或驕恣一朝同物化榮辱兩何異有酒
且行樂不必富與貴

直道疾伊優壯懷增靡曼海上豕方牧夜中牛屢飯半
生營一名偃蹇木知頑青銅忽自照白髮已堪歎
五鷄適蓬蒿大鵬搏九萬物情貴得所奚用求自
歎富貴似可喜貧賤亦何恚

秋雨浸成潦秋霜漸為凌老樹暗寒蟬腥盤集
秋蠅天涯有歸客面目吁可增吟餘自捫腹肝膽空
發發臨淵不善漁籬頭掛寒甍數椽茅屋下養此百
不餘秋懷蟲共悲秋夜鶴同警輝輝玉繩低耿耿銀
漢永靜思鳧鳥喬遐暮蟪蛄極途遠慵著鞭井深
難下雙鳥倦當知還馬失訂云幸窮通委天命塵慮
可深屏客路厭繁暑歸懷愜新景枕冷夢自清夜
明窓更問聊樓明月夜勝透西風梗支床甘自息
伏櫪菴思靈淮有問目心拳拳慕回請

念凡生新涼燈火照初暗省已有昨非探懷無宿
憾下書恣掀翻古意薄窺瞰心將遊寂寞語復攻
苦淡實真

名忌浮才疎得懋濫守志懼不墜入道恐成暫世抑
成賊心猿思繫纜有友頰琢磨無官自校勘澹然
惟不恨儲無就

賢關藹多士頭角爭軒軒中有倦游客虛名厭
為思與孝思踐陽城言高秋賦歸去戲舞庭闈
柿栗熟採摘供盤餐兄弟各賦詩集作棣萼編甲
乙二孺二日誦言半十學語三歲時笑味生甜酸
欣然動我懷長夜不成眠歸來有此樂亦可終殘
年

吾廬有脩竹滴翠凝不乾天風一吹拂終夜鳴
琅玕黃揚亦嘉樹一甕何團團日暮飛禽歸秋然
欲求安嗟子欲何為屢涉吳江瀾一名竟未就舉
彈空飛九對竹賞

佳樹聊繫予征鞍

商飈起何處古樹生秋聲肅肅夜氣寂悠悠月華明兀
兀念前古孜孜殫寸誠默默守孤陋兢兢防滿盈與至
役詩匠愁來驅酒兵自適布衣願未覺青衫榮長鬚與
赤脚亦足供使令
鮮鮮霜中菊誰云晚不好開日即重陽雖晚亦同蚤對
景便須醉浮生苦難保胡為楚夫夫不飲致枯槁何如
醉鄉人雖醉亦有道

和符讀書城南示孟甲孟乙

性無有不善故言聞子與學所以性揚雄著之書歎
知人之生靈臺湛然虛習善格乃習惡去厥初下惠

與盜跖不生兩門間。一不問相去霄壤。如是以吾
天子詩禮教。伯魚當時亦義方。聖門亦蕭疎。我似社
翁有兒最憐。渠徒愛不知教。惟如龜與猪。詎望登丹
折桂騎蟾蜍。粗令有聞見。免為囊中蛆。卅角入小學。首
誦仲尼居。要知先孝弟。餘力執乎歟。我家素孤寒。金玉
苦無儲。舊業止青箱。辛勤二星餘。遺尔以清白。爾曹宜
念且性情。乃良田學問。為私鋤。勿患遠難致。跬步馳蹇
驢。勿憂年不達。六經有新畬。勿隨犇競流。伺候人庭除。
勿學田舍兒。黃金買冠裾。在我能自脩。不患無聲譽。我
久困筆硯。退思老山墟。拭眼着爾曹。庶使愁腸舒。詩篇
和韓公座右宜書。諸青春寂堪惜。勉矣無躊躇。

和醉贈張秘書寄萬大年先之申之

戊辰十一月十一日過萬橋是夕會飲先之家同街
杯者四人大年先之申之及予也促席而坐頗有清
歡醉中誦昌黎先生贈張秘書詩人皆勸我酒我若
耳不聞今日到君家呼酒持勸君之句既別遂和韓
韻贈三君子

良友不易得清談苦難聞前夕知何夕我來訪諸君共
對燈燭光芳尊細論文通家忝孔李促席聯機雲杯盞
畧荷禮氣味同清芬一盞洗窮愁三杯話離群春舟會
稽別孟夏別大稽秋袂錢塘分七月先之歸顧我與三五
新當敗孤軍飄零各南北對酒無復醺客况飽牢落時

光負氤氳聚散實堪恨榮枯何足云歸來已三月俗狀
日紛紛幸此同一笑盤飧釘腥蠶山薦巨房龜脚烹
脩裙良辰屬嚴冬敗惟無蠅蚊痛飲竟長夜高歌和南
薰雖非韓孟張所飲亦典墳何時脫場屋南畝同耕耘
晝為雞豚社夜策詩酒勲此言宜早踐勿待桑榆燠

和縣齋有懷四十韻

予所居之乘偏有室甚陋目曰陋齋客過而病之曰
子陋矣哉子曰居九夷而不陋者夫子也予不敢學
居陋巷而能樂者顏回也竊有慕焉楊子雲曰晞顏
之人亦顏之徒孰謂茲室之陋而不足以寄吾樂耶
何病之有既而讀韓公縣齋有懷遂和其韻目曰陋

齋書懷

讀書窺古今掩卷成叱咤唐虞昔垂衣禹稷起躬稼人
材各超絕王業迭興謝典謨光日月雅頌藹蘭麝孟軻
論易地顏回堪並駕窮達雖殊途聖賢實同價避就鄉
隣鬪泣笑疏戚謝甘心惟飲瓢沒齒不談霸斯人嗟已
亡未俗遂多詐祿從枉道求氣為權門下爭為邑犬吠
翻取獵師罵幽人思隱盤高士欲耕灞予生苦多難安
跡殊未暇冬行數兩足夜坐痺雙膝黃卷徒自勞青雲
未能跨借勢乏王公成名無僕射大學屢登臨親闕跡
膾炙春春日懷歸區區每求假飛同鷁過宋閑若馬跡
華陋巷懷哲人短檠燒守夜對床有兄弟通家足烟燼

談笑開芳尊塵勞釋任乾篇章日盈囊卷秩時抽架
歌同舞雩歎息殊觀晴有田聊代稼無請不祈故未為
雄草玄謾學愈直驛甯儂窮朝燠然歌達冬夏頭角如
自藏齒牙誰肯借眠從身子朝醉不金吾怕心知得失
妄眼見炎涼乍造物豈吾苦交情勿渠訝馬來未為福
火盡安足藉孝弟黨自脩長幼必能化力耕西疇未刺
種東臯柘旨甘奉盤飧溫清飾臺榭丰粟鑿漢謔一爨
共崔舍仰効慈烏哺俯笑寒鴟嚇但令尊不空莫厭客
頻迂風篁觀掩冉山禽聽嬌蛇困窮乃吾幸此禍不須
嫁

和桃源圖

世有面畫桃源者皆以為僂也故退之桃源圖詩詆
其說為妄及觀陶淵明所作桃花源誌乃謂先世避
秦至此則知漁人所遇乃其子孫非始入山者能長
生不死與劉阮天台之事異焉東坡和陶詩嘗序而
辨之矣故予按陶誌以和韓詩聊証世俗之謬云

嬴秦斬新開混茫傲睨前古無虞唐詩書為及儒鬼哭
李斯秉筆中書堂長城丁壯無還者送徒更住驪山下
避世高人何所之出門永與家鄉辭入山惟恐不深遠
豈是得已棄於斯來時六合為秦室未省今為何歲日
吏不到門租不輸子長丁亦更何郵春入山中桃自花
招邀隱侶傾流霞男耕女織自婚嫁孤別支分都幾家

誰泛漁舟迷處所山開洞窟聞人語乍相驚問宰相
設酒烹鷄講賓主可憐秦事已茫然帝業初期萬萬年
猶道祖龍長在世豈知異姓早三傳鄉里蒸
人情與世無相異未信壺中別有天却訝身
山花亂眼鳥哀鳴數日留連喜復驚更從洞口尋鄉路
逢人欲話疑非情異日扁舟欲重顧水眩山迷紅日暮
後來面畫了非真作誌判明乃晉人

和永貞行

予自少喜讀柳文而不忍觀其傳惜其名齊韓愈而
黨陷叔文也退之與柳善及作順宗實錄未嘗假借
公議之不可屈也如此茂長仲冬二十有二夜讀歸

詩永貞行至予嘗同僚情可勝之句則知退之雖惡
任文亦未能忘情於劉柳輩也予既追和其類遂於
入司馬中獨詳及柳蓋惜其人而深責之耳

君不見天為元和開魏令先遣檢人竊朝柄奉天難平
閑虎豹奔客待詔來京師口中班班談治道正觀開元
何足為黨與紛紛自標置遠借伊周然後媚皇座附六
皆美官怨脩賍賍曾不難梯媒爵位由貨賂片是朝士
因在盛珣瑜卧第鄴佑默誰為唐室田在朝朝華利權
未為怪莫奪兵柄可歎尤仙李曙根未嘗艾十葉神
那容干禁中大義知漢主東宮受禪國三祖越見帝
吳兒悲從此豺狼不生羽剛明天子位初登翦除元惡

流凶朋八州司馬才可謂即已掃地誰復君子厚年少
躁飛騰身陷醜黨罪重無著文擬駭愁思兼欲自辨白
終莫曾王孫尸蟲託馬骨色豈不堪明憲燈所記先友
時良肱忍使柳氏家聲崩吁嗟匪人何足憑士勿妄進
當我兢退之鯁直憤不勝詩篇史筆兩可徵永貞靈鑒
宜痛懲

和短燈檠歌寄劉長方

戊辰仲冬二十有三夜坐六行堂對短燈檠讀昌黎
詩三復興嘆既而思友人劉長方昔作燈銘有空洞
其腹直方具形室焉斯通晦焉斯明之句良有味也
僕自念與劉君將二十載矣平日偃蹇之迹大畧相

似去秋同與上庠薦劉遂登乙科僕拜場而還因躡
如舊遂和韓公短檠歌以寄之

我與君游最久長短檠夜夜分清光初從鄉校共牢落
晚入太學同淒涼眼看兒輩盡騰踏尚磨鉢硯穿藜林
君今已作青雲客萬言曾射天庭策藍袍歸拜七十翁
壽酒十分傾太白嗟予偃蹇只如前日高空作盧仝眠
樂事已輸君自恣銀燭高烧環翡翠直形空腹舊時燈
牆角未應容易棄

和苦寒

羲和錯冬令寒燠常相兼在人為不常時為作貪廉玄
真當用事如忌遠如讎宜寒燠不燠群萌誤抽尖既煥

俄吹冷夜寐黑不甜水行失其理厥疾不可延前日當
孟冬雷聲震銅鑪三日驟大雪飛花眩觀現達此始
月姿變寒與炎晨起坐東窗陽光快思霑霜畦秀蔬
欣焉自腰鑣頃刻變凜冽枯藤怯提拈齒牙戰霜風縮
舌疑銜籍架抽絃掀翻誰能正牙籤酒杯覺無力瓶羞
勞頰添貂裘尚不暖况無或衣縑兀坐擁黃袖脰作寒
龜潛氣血栗肌體涕淚水鬚髯紅爐熾薪炭旋覺寒星
熾靜思天壤間萬類何繁纖路傍泣凍餒海角愁廢淹
羽毛有不庇腥血有不燭豈堪當此時可以吾身占慙
懃語妻子汝復勿多怨嫌破被尚禁絮漏茅可添苔人
生苟知足處此意亦恬但願王化行東西俱被漸堯天

日舒長有目皆可瘡寒生在陋巷甘心事葢鹽何須傍
人門炙手隨茲懶耽耽王侯宅笙歌下珠簾寒暑止温
涼焉知有窮簷否泰迭往來禍福相依黏勿用倚彼玉
自尔安吾兼飽腹日三飯蔽形衣一襜祁寒勿怨咨庶
用懲無厭

和南食

高先之送巨鱗百房大破鏡顧正魚豎間記憶前日
作東平客飲味滋味先之舉送之南食詩鱉相黏為
山千百各自生之句僕方進亦韓詩遂用其韻以謝
海錯千萬族惟鱉不能行潮來歲自飽亦足遂厭生翻
笑魚鱉晨夜何營營風味與山蟪可以次茅名薦身

炮炙間殺破材始呈此客昔南水一見生怪驚故人居
海濱群鮮康庖烹酷愛此味真不假薑桂橙遙憐山間
友混迹衆與驛蔬勝久不飽肌膚且瘠巨房餉饒腹
一笑百念平豈為飲食欲實見親舊情誰知葶鹽鱉盤
香味常并故鄉實堪戀未用圖西行

和聽穎師琴

黃巖施生挾書來梅溪從吾弟夢齡游以裏糧餘資
自易琴一張講習之暇時一弄焉季冬之朔燈火初夜
風靜籟息明星燦然坐南窓之下為予撫之予素不
曉音律妄意古人琴中之趣欣若有得聽終遂歸陋
齋誦退之聽穎師琴詩捲卷慨然予既嘉施生雅尚

遂和其韻以贈

七絃自相語唱予仍和汝千指忽淒涼騷人悲戰場大
絃溫和小清越惠風爽韻參悠揚琴瑟鳴寒泉儀儀舞
鸞凰山高水遠聽愈淡花奴羯鼓聲方擅施生幽雅士
不好笙與篁千金買焦尾悠然坐黎牀顧我非知音感
激涕自滂三聽輒三嘆義皇在我壑鹽腸

和憶昨行示夢齡

夢齡弟近感微恙情緒常若不佳予懼其壘鬱傷和
也因誦退之和張十一憶昨行云無妄之災勿藥喜
一善自足穰千災頭輕目朗肌膚健古劍新斲塵磨
埃殃消禍散百福併從此直到耆與鮑之句以慰其

懷既以又和以贈之

憶昔昨少年氣銳心未灰平明出門薄暮迴解衣換酒
期必醉亂花壓面散條枝年華在暮今半世觸事往往
生悲哀歡娛無復少年味勉強談笑陪尊晏飲纔過量
轉成疾秋霜入鬢剛腸稚子年少我氣鼎盛琅玕夜誦
聲如雷胸中平時足蘊藉頓神養素成嬰孩松姿栢質
異蕭柳堅剛不怕霜霰灌凌雲變化未可料豈比噪吮
風中旄胡為鬱鬱乃如許與我老者同也墮豈緣心事
未如頭一念遂覺憂愁來逐鷲世態多險阻忤意未免
生樂猜壯懷千里力未致齟齬翻類三足能傷和伐性
長坎軻兩眉處恨憑誰開吾聞君子貴知命數者於我
何有哉又聞古人亦迤蹇在易固有無妄災閉門靜坐
養時晦拂拭心鏡捐塵埃他年定作仁者壽齒肯會見
同鯁鯁聖賢遺訓載子腹此事寧不知所哉否往泰來
固有日坦塗利藪寧須推

和燕河南府秀才送周光宗

友人周光宗將叅告太學某謂退之燕河南府秀才
詩末章云陰風攬短日冷雨澁不晴勉哉戒徒馭家
國遲子榮以祝其行既又和以送之取古人賦詩重
斷章之意云爾

吾皇尚柔理北客來翰平投戈講文藝虞庠萃群英
藹藹六年間人物如西京菁莪各成材龍虎薤標名東嘉

號多士半作鳴都生昭然藻鑑中不負事業精光進日
通顯天衢作雷轟後生益可畏行藝方斐養賢武汝南
丈頭角令人驚撐腸飽文史欲振三年鳴鶴聲亦如志
造物殊無情歸來務遵養絕意蝸角爭高堂有意觀傑
養須大烹壯懷不能已千里提短檠掉頭脫塵鞅墨
摩太清賤子忝交末平生荷推誠緬懷去年春鴈言共
西征悠悠舊時路君今獨先行江梅弄春色愛日烘
晴勿憚行役苦會見歸來榮

和荅張轍寄曹夢良

某與夢良游十有五載矣栖遲偃蹇之迹初不相異
也茲復同舍上庠交契愈篤曹秋賦暫漲子春闈是

飛別已朞面猶未會追念疇昔泮宮之樂鄉校之游
鼓雪棹於金溪振風葛於清遠門之外不無慨然因
誦退之荅張徹首章辱贈不知報我歌爾其聆首叙
始識面次言後分形遂和其韻以寄之且速其肯來
也戊辰季冬十六日

故舊別云久話言猶未聆歲暮念愈劇宵長夢影頻憶
昔始傾蓋相看俱妙齡參平方越席鯉也繞趨庭樂泮
共采藻泛江同食萍玄深探義畫狂妄窺麟經端能辨
箕芟未省分雷霆卷帙發晨架膏油燃夜櫺富君才八
斗我字識一字輕縑苦窘幅高屋欽建瓴低頭願為食
割席終慙寧結游指寥廓約泛航清吟驥足騁天駿蒼

頭緡海腥塗遠困塵鞅棹迴閣寒汀壯懷誓白水憤氣
干青雲冥孤嶼散形影雙溪隔滄溟耿耿月遙共悠悠
門獨扃論文憶李白對酒懷劉伶鄉校鼓沂瑟頌章賡
魯駟濯暑振風袂破寒操雪舫勝游傲粟里雅會脩蘭
亭視整沽甕蟻燭殘照囊螢猖狂却不雅酪酌還獨醒
槐市忽飛詔英才先振翎短檠慷慨長劍磨晶瑩歌舊
耻雪赤壁奇功長井陘高價壓群玉新文麗繁星鄰閭
借光豔庠序資儀刑隨群袍暫白唾手衫當青幾生通
孤苦舉足方伶俜文房泣遺澤座右悲先銘犬馬不堪
整尾鷺卒同淫射縞服疆箭撞鍾施寸筵惟求免場屋
詎望揚王庭師旋約奏凱案就期脫圖勢屈戰徒力命

奇不文靈秋翼困燕省春苗害螽蟪日念返桑梓願言
和鸞鈴溪山有偕影隱風雨無獨聽懸崖踏蒼翠怪石
穿瓏玲豹閑眠霧窟鳥倦棲雲屏世情自翻覆交態長
芳馨歲時覺荏苒咫尺如飄零盈虧變瞻桂閣落頰觀
莫歛去廢負米念來方祝齡何時搵子手一笑空吾瓶
注目香雲雁緘書附原鴈郵客佇滌胃銚頑寶發劍得
得戒徒馭遲遲趨關廷猶勝炙手輩奔走趨公廳
已巳元日讀送楊郎中賀正詩因和其韻

鷄日五更鷄呖屋銀缸明滅燒餘脂家家呼牛送耗鬼
牛歸誰家鬼何之皇都朝會我無與西嚙香事行及期
弟兄成行拜親老猶勝去年身未歸

人日過電山隨行有昌黎集因讀城南登高詩
遂次韵留別孫先覺

臘去梅已稀陽浮初弄北斗新轉稍東風漸消凍為
人節固佳顧我身無用命駕訪親交肩輿勞僕從門闌
念久別燈燭忻此共興來酒自斟歡至歌頻送提壺勸
銜盃播穀催除藟農耕方迫婦行樂未能兼人生苦難
別俗狀嗟恹德春風桃李花把盞何時重

和李花

梅溪書院有李數株土寒花瘦游人不之賞因讀退
之詩平旦入西園梨花數株若矜夸中有一株李顏
色慘慘以含嗟惻然有感遂和其韵

春風入園林萬卉以艷爭相夸胡為此仙李顏色憔悴
堪咨嗟稜稜瘦樹數點雪半醒半睡風歌斜枯枝膚剝
少生意况有疥癬相孽芽不如免葵及燕麦妍媚春色
搖纖葩下自成蹊直虛語誰肯顧時留香車顧我逢春
少行樂老眼日有文書遮自憐衰颯已如許那更對此
愁人花皇都二月桃李盛朱輪翠蓋方紛拏東君世情
亦太甚十分春在侯門花試吟怨句問蒼昊一種春工
何損加白華秉燭光照夜此樹不屬孤寒家造化無言
意潛告我愛萬物初無差物情稟受苦自異奚有厚薄
施萌芽勸君勿為花致怨怨居易俟命思無邪

和荅柳柳州食蝦蟆

殿墓水蟲也不為人害與螟蝗之類不同然周官蝻
氏掌出去蠹屯以及洒之則死說者謂蝻與取龜尤
怒鳴聒人耳故去之予竊謂此非周公之用心必後
世傳習之訛而附益其說也退之記其事於詩未免
乎勸矣已已仲夏群居梅溪諸友頗嗜此味丐者爭
捕而致之予懼其殺物滋多和韓詩以戒
蟲魚千萬族一一異狀貌飛潛同一性巨細何必校彼
微水中蠹四足偃而匍自從料料初生育在泥淖好鳴
乃其性非故欲喧鬧烟氏職洒灰恐非聖人教吾聞人
間世生死同夢覺殺物傷吾仁忍聽聲燂爆况我儒衣
冠絃誦生鄉校彼亦呼子曰有意欲吾効堂 云在 近 乳

曰故以 人虫各好生奚用苦相撓退之憚食蛇得得釋
龍旱子厚放鵬鵠仁心亦稍稍胡為於此蟲未盡忘嗜
樂為祠用鼻 穿誅虎豹古人豈妄殺去害除不考
願出茲鼓吹駐我寒溪權

梅溪先生文集卷第十

詠史詩

伏羲

太古民淳事簡稀
聖人牛首號包羲
如今四海皆人面
心似山川更險巖
六畫中含萬象殊
洪荒一變遂歸儒
河圖不授包犧氏
民到于今日尚塗

神農

民食腥膻鳥獸同
那知土穀利無窮
後人只祀勾龍棄
誰念艱難起帝功

黃帝

此詩在右頁，因被墨迹遮蔽，文字模糊不清，僅能辨認部分字樣。

百年功就晚乾坤鼎冷湖空跡尚存別有慶源流不盡
皇朝業：是神孫

唐堯

仁德如天帝業隆四凶不去付重瞳當時黃屋如傳子
千古那知揖遜風

夏禹

洪流浩：浸寰區民雜蛇龍鳥獸居長歎當時微帝力
蒼生今日盡為魚

啓

堯舜與賢真可法夏王傳子若堪疑謳歌自屬吾君子
不是當時禹德衰

少康

虞仍靡艾共輸忠一旅中興復禹功較德宜優漢高帝
知音惟有貴鄉公

桀

大禹辛勤造夏邦子孫何苦事淫荒國忘不悟生平罪
翻悔當時不殺湯

成湯

大乙興仁獸網中鳴條一戰遂成功歸來猶自懷靈德
事與唐虞已不同

高宗

須信精誠可動天高宗一夢得真賢濟川不賴良舟楫

安得中興五千年

紂

釀酒為池肉作林深宮長夜恣荒淫何如早散橋金粟
結取臣民億萬心

周文王

民疾商辛若寇讎三分天下二歸周文王終世全臣節
不念前時羨里囚

武王

八百諸侯會孟津民心天意總歸仁須知不食干戈粟
自有登山采薇人

成王

姬旦推誠相幻冲流言交亂出居東誰云王是中才主
一啓金滕即悟公

宣王

北伐南征萬國臣中興周室賴賢人崧高千古英靈在
何獨當時降雨申

幽王

文武基圖木易且奇憐中葉壞幽王神龍流沫生尤物
赫赫宗周一笑亡

秦始皇

鯨吞六國帝人寰遣使遙尋海上山仙藥未采身已死
鑿空輿空載鮑魚還

一世

始皇一怒逐扶蘇天欲亡秦果在胡翻被四方黔首笑
不尔鹿馬是誰愚

漢高帝

百戰功成漢業新咸陽置酒問群臣區區高起王陵輩
豈識龍顏喜用人
伏劍崎嶇起沛豐祗將嫚罵取英雄雖然能用三人傑
已失商山四老翁

文帝

文帝興王自代來百金不費亦仁哉後人不務師恭儉
萬戶千門欲露臺

武帝

武帝英雄類始皇甘心贖武國幾亡晚年頗有知人術
解把嬰兒付霍光

宣帝

道雜霸王非美事治先刑法少仁恩蓋揚韓趙猶誅死
誰謂當時獄不寬

元帝

德化欲遵周軌轍刑名思革漢規模更生疎斥蕭生殺
元帝何曾善用儒

光武

大命由来自有真子興徒號漢家親須知炎祚中興主

元是南陽謹厚人
鬱鬱葱葱瑞氣浮
南陽兵起再興劉將軍大敵非常勇
文叔平生本好柔

明帝

萬乘臨雍事老更橋門億萬會諸生
永平天子真儒雅
只恨容人度未宏

章帝

民苦繁苛厭永平科除慘獄慰群情
不窮實惠欺君罪
翻被寬柔壞典刑

魏武帝

董呂袁劉電掃空阿瞞獨步騁英雄
豈知權備皆人傑

未肯全將鼎付公

吳大帝

拔刀斫案氣如虹獨倚周郎立雋功
一戰果摧曹孟德
不妨高枕霸江東

蜀先主

曹公姦黠世無雙元德雄才肯見容
誰把荆公資霸業
一朝雲雨起蛟龍

晉宣帝

四朝天子寄安危寡婦孤兒豈忍欺
見說五湖扛鼎日
又勝三馬食槽時

晉武帝

早歲膺圖帝業光
晚年何事政多荒
筭來不用平吳好
畢竟吳平速晉亡

四時天元帝

金陵王氣為誰鍾
五馬南浮一化龍
四海民心共晉思
江東何事却從容

宋武帝

采武英雄世莫加
長驅千里定中華
乘機不據金湯險
自剖乾坤作兩家

齊太祖

天厭金刀水德終
一時人望屬蕭公
能論魏武周文事
獨有區區謝侍中

梁武帝

不法先王治用儒
捨身傾國事浮屠
堪嗟餓病臺城日
曾得空王救死無

簡文帝

青絲白馬渡江來
宮殿酣醺盡委灰
不辭開門納花棒
空悲明鏡不安臺

陳武帝

一旦權臣外召君
已知天帝欲興陳
江淮若道無神物
誰報齊兵至壽春

後主

臨春閣上醉流霞
狎客酣歌興未涯
江左半無陳日月

君臣猶聽後庭花

魏道武

火舉南征破弱燕拓關中土奠西川功成若更能修德
自可延年度危年

北齊神武

浮圖入海天已魏鸚鵡與誰運登齊鄴下兵興黃蠆死
營中星隕衆驢嘶

齊後主

我冠食樣鷄開府搖尾承恩大郡君將士焉能死征戰
盍驅爾輩赴三軍

周文帝

傳檄東征賀六渾親迎天子入長安刺栽沙苑千株柳
長使齊軍破膽寒

隋文帝

孽后邪臣造異端房陵幽閉抱深冤一朝突起宮闈內
方信當時用婦言

煬帝

汴水東流岸柳春龍舟南下錦帆新鳥聲勸酒梅花笑
咲殺隋亡亦似陳

唐太宗

仁義誰云不可行文皇親見治功成德業可惜身先死
豈信人間有太王

高宗

正觀基圖極盛隆誰將神器付昏童倒持利柄歸房闈
仙李枝柯一剪空

明皇

天寶君臣玩太平梨園弟子笑新聲貴妃一笑天顏喜
不覺胡塵暗兩京

肅宗

張后宮中巧弄權上皇西內老誰憐杜陵獨念君臣義
長向雲安拜杜鵑

德宗

虜箭侵陵御慳時君臣相顧不勝悲難平猶自嗔天人

命盧杞姦邪竟不知

憲宗

叛將連頭就典刑元和功業光成晚年誤信妖人術
禍自丹砂藥裏生

文宗

輦路青青春草多竟高無替清宮藥中春召詞臣
受制家奴可奈何

梁太祖

天下人心共惡梁柱應無奈虎狼豈可憐千尺黃河亦
殺盡清流始滅唐

唐莊宗

十年征戰不辭勞三矢功成意氣豪自吃身為萬事
高知禍起亦門高

晉高宗

三帝如春尋已深那堪割地修我心國雨一
遺惠至今直至今

漢高祖

石氏君臣盡播遷晉陽兵起據中原早知只有三年
柯似指難報晉恩

周太祖

出鎮雄蕃勢已危擁兵乘釁襲京師誰知一代生靈
元是雕青郭雅兒

周世宗

高平決戰破劉晏北取三關速若神大業未成天命改
殿前點檢是真人

許由

肥遁箕山不可尋高名不朽到于今尚留昔日洗耳水
為洗世人爭兢心

后稷

洪水橫流四海飢教民稼穡務三時後王欲識艱難業
讀取豳風七月詩

伊尹

窮居樂道自躬耕那肯要君用割烹湯后不加三聘禮

未應改志為蒼生

箕子

諫君不聽念君深被髮佯狂自鼓琴千古共傳箕子操
一時難悟狡童心

比干

諫君不聽蓋亡身豈忍求生却害仁不向天庭剖心死
安知心異世間人

伯夷

避紂窮居北海濱歸來端為有仁人武王不聽車前諫
餓死西山志亦伸

太伯

太伯高風不可追鴈行接羽共南蜚莫言斷髮便無用
猶有荆蠻慕義歸

太公

隱迹蟠溪七十餘釣灘清淺鬢蕭疎滿懷諂畧為香餌
只釣文王不釣魚

周公

明堂攝政朝群后四海流言孺子疑何事召公猶不說
丹心惟有鬼神知

召公

鼠牙雀角豈能欺召伯聰明聽不疑南國政成公已去
甘棠長結後人思

齊威公

諸侯九合霸圖成晉宋江黃盡會盟惟有召陵功最直
包茅不貢故來征

晉文公

逆旅栖栖十九年五蛇夾負遂升天却慙不及齊威正
卿相由無管仲賢

宋襄公

小國爭盟禍莫逃託名仁義直徒勞殺人祭鬼寧非恐
猶自臨戎惜二毛

秦穆公

秦穆平生善用兵孟明三敗始功成後人不識兵家勢

異議紛從勝負生

楚莊王

周衰夷狄最跳梁楚入春秋勢更強能用一言存滅國
賢哉猶有一莊王

魯隱公

唐堯授舜由天命太伯奔吳避聖人魯隱効堯端可笑
遜威不正自己身

威公

菟裘有意身將老社圃無端鬻已萌莫魯由來因羽父
過齊爭柰遇彭生

莊公

先君出會不立還魯弱無白可報究禰廟豈宜姜氏見
莊同何忍與歸婚

閏公

慶父哀姜產禍芽斷斷魯道可勝嗟武闖難起無人救
季子來歸未足嘉

僖公

僖公能繼伯禽風盛德榆楊魯頌中惟有春秋用王法
不輕一字曲褒公

文公

時無閏月那成歲廟有先君豈上賢魯國從來秉周禮
文公何事獨無天

宣公

東門無道敢欺天過市哀姜語可憐和氣致祥華致異
如公自合大無年

成公

周室孤危若旅人諸侯誰復肯來臣成公不朝是天子
假道京師會伐秦

襄公

侯伯誰修二霸公大夫專政自襄公堂堂魯國車千乘
翻在三家掌握中

昭公

昭公失國寓乾侯方伯無人肯見憂如晉適齊徒取辱

祗緣不用子家謀

定公

春秋疆場事紛然齊魯干戈幾載連若使真儒長見用
來歸何止汶陽田

哀公

諸侯失政倍臣僭中國無君左衽專欲問哀公後來事
春秋書止獲麟年

鄭莊公

天地深恩詎可忘寤寐生忠孝兩俱已身從何出翻因毋
國是誰封敢射王

齊襄王

諸兒惟薄可曾修敬笏詩包兩國羞何事春秋尤諱惡
祗緣能報祖宗讎

齊頃公

敵國行人詎可輕等閑戲笑禍胎成胥閭竟日知何語
回首齊郊已被兵

鄧祁侯

舅甥杯酒結網繆豈忍陰懷盜賊謀不聽三臣言亦是
未須深罪鄧祁侯

晉獻公

齒髮衰殘志慮昏諛興婦口可心寒不知尤物能為禍
却為驪姬寢食安

楚靈王

章華臺就國被繇微會諸侯意氣驕楚眾已離猶不悟
近臣徒為頌邪招

楚懷王

懷王誤與虎狼親身死咸陽一旅人見說國人懷舊德
楚雖三戶亦已秦

吳王夫差

西施未必解已吳祇為說臣害霸圖早使夫差誅宰嚭
不應麋鹿到姑蘇

越王勾踐

機會由來貴速投姑蘇事與會稽伴謀臣不早麾兵進

嘗膽徒勞二十秋

顏考叔

衣冠肉食謾終日誰解枉羨感悟君顏谷封人雖賤士
却能純孝至今聞

石碣

人情誰忍棄天倫公獨能將義滅親何惜一時誅賊子
不妨千古作純臣

孔父

春秋死難止三人皆欲求仁未得仁節義可書惟孔父
勝如仇牧勝如荀

仇牧

春秋死難止三人皆欲求仁未得仁仇牧捐軀為君父
不如孔氏勝如荀

春秋死難止三人皆欲求仁未得仁荀息捐軀為私豈
也勝賊子與姦臣

祭仲

廢子雖賢年奪嫡人臣惟聖可行權區：祭仲何為者
曹國容身豈足賢

管仲

小節區：豈足羞功名未顯分纍囚平生自有真知己
寧患威公怨射鉤

大夫種

狩罷吳郊鳥兔空果烹獵犬廢良弓大夫自為知幾晚
豈是陶朱計不忠

范蠡

久與君王共苦辛功成身退肯逡巡五湖渺渺烟波闊
誰是扁舟第二人

李廣

李廣才名漢世稀孝文猶自未深知輟殮長歎無顏飲
翻惜將軍不遇時
隴右英豪真有種將軍才氣更無雙功高不得封侯賞
祇為當時殺已降

婁師德

忤意由来勿校難誰能唾面自令乾直須事過心平後
方服婁公度量寬

狄仁傑

武火方炎李欲灰忠良何力可能回斗南人有擎天手
為向虞淵取日來

徐有功

獄興羅織陷忠良公亦幾遭虎口傷蹈死救人免死
論功何止漢于張

梅溪先生文集卷第十



